

**Visoka škola računarstva i informatike eMPIRICOM**

**PRAVILNIK O UPRAVLJANJU INFORMACIJAMA NA WEB STRANICI I DRUŠTVENIM  
MREŽAMA**

**Tuzla, mart 2023. godine**

Na osnovu člana 51. Zakona o visokom obrazovanju u Tuzli BiH, te člana 14. Statuta Visoke škole računarstva i informatike eMPIRICOM u Tuzli BiH Upravni odbor, na sjednici održanoj 03.03.2023. godine, donosi:

## **PRAVILNIK O UPRAVLJANJU INFORMACIJAMA NA WEB STRANICI I DRUŠTVENIM MREŽAMA VISOKE ŠKOLE RAČUNARSTVA I INFORMATIKE eMPIRICOM**

### **I. OPŠTE ODREDBE**

#### **Član 1.**

Pravilnikom o upravljanju informacijama na web stranici i društvenim mrežama Visoke škole računarstva i informatike eMPIRICOM (u daljem tekstu: Pravilnik) određuju se nadležnosti, način prikupljanja i objavljivanja informacija Visoke škole računarstva i informatike eMPIRICOM (u daljem tekstu: Visoka škola eMPIRICOM), odgovornost za sadržaj informacija, ažuriranje i sankcije za neobjektivno informisanje.

### **II. PRIKUPLJANJE I OBJAVLJIVANJE INFORMACIJA**

#### **Član 2.**

Informacije na web stranici i društvenim mrežama Visoke škole eMPIRICOM prikupljaju se i objavljuju u cilju komuniciranja sa javnošću i definisanim ciljnim grupama. Ciljne grupe kojima se omogućavaju ažurne, objektivne i tačne informacije su studenti, partneri, institucije, preduzeća, vladin i nevladin sektor, mediji, radnici i drugi koji imaju interesa za informacijama koje objavljuje Visoka škola eMPIRICOM.

#### **Član 3.**

Za prikupljanje informacija koje su od interesa za ciljne grupe zaduženi su svi radnici Visoke škole eMPIRICOM, a posebno rukovodioci centara i akademija Visoke škole eMPIRICOM, čije se informacije objavljuju na zvaničnoj web stranici i društvenim mrežama Visoke škole eMPIRICOM. Za administriranje i objavljivanje informacija zadužen je radnik kojeg imenuje direktor, ili vanjski saradnik, na osnovu ugovora.

### **III. SADRŽAJ WEB STRANICE**

#### **Član 4.**

Sadržaj web stranice Visoke škole eMPIRICOM je koncipiran tako da internim korisnicima olakšava rad, a eksternim korisnicima nudi sve potrebne informacije o Visokoj školi eMPIRICOM. Podaci postavljeni na web stranici Visoke škole eMPIRICOM osim na bosanskom objavljuju se i na engleskom jeziku, najmanje 50% ukupnog objavljenog sadržaja. Web stranica sadrži sljedeće podatke:

1. Opšte informacije o Visokoj školi eMPIRICOM (podaci o osnivačima, misiji, viziji, studijskim programima i drugi opšti podaci informativnog karaktera),
2. Akti Visoke škole eMPIRICOM,
3. Informacija o akademskom osoblju (broj i sastav),
4. Akademije, centri i uredi koji djeluju u sklopu Visoke škole eMPIRICOM,
5. Informacije o studiju (podaci o uslovima upisa, dokumentima potrebnim za upis, podaci o školarini, studijskim programima),
6. Alumni upitnik,

7. Pristup Moodle platformi za e-učenje,
8. Informacije o aktuelnim projektima,
9. Informacije o aktivnostima,
10. Informacije o međunarodnoj saradnji,
11. Promotivni materijal.

#### **IV. DRUŠTVENE MREŽE**

##### **Član 5.**

Visoka škola eMPIRICOM sve važnije informacije objavljuje i putem svojim stranica na društvenim mrežama: LinkedIn, Facebook i Instagram.

Osim za potrebe komunikacije informacijama, stranice Visoke škole eMPIRICOM na društvenim mrežama se koriste i za komunikaciju sa korisnicima društvenih mreža, kao i za marketinške aktivnosti.

#### **V. AŽURIRANJE INFORMACIJA I ADMINISTRIRANJE**

##### **Član 6.**

Administriranje informacija se vrši po odobrenju, uputstvima i usmjerenjima direktora Visoke škole eMPIRICOM. Informacije koje spadaju u grupu vijesti se ažuriraju dnevno, a ostale informacije po potrebi, dinamikom koja je u skladu sa nastalim promjenama u aktivnostima Visoke škole eMPIRICOM.

#### **VI. DISCIPLINSKA ODGOVORNOST**

##### **Član 7.**

Za objektivnost, tačnost i ažurnost informacija, odgovorna lica definisana su u članu 3. ovog Pravilnika, te svako neobjektivno i netačno informisanje, kao i izostanak ažuriranja, podliježu odgovarajućim mjerama.

#### **VII. PRIJELAZNE I ZAVRŠNE ODREDBE**

##### **Član 8.**

Ovaj Pravilnik stupa na snagu danom donošenja.

Broj: 04-03-02-082/23-001/23

Datum: 03.03.2023. godine

Predsjednik Upravnog odbora

---

Nedim Džambić, dipl. ing.el.